



UNIVERSITETI - UNIVERSITY - UNIVERZITET
"HAXHI ZEKA"

Ref. Br.

Peć, 27.08.2026

Senat Univerziteta "Haxhi Zeka" u Peći, na sjednici održanoj dana 31.07.2026, na osnovu nadležnosti utvrđenih članom 118 Statuta Univerziteta, članom 7 Pravilnika o doktorskim studijama br. 3021 od 18.11.2024. godine, te na osnovu odluke Ministarstva obrazovanja, nauke, tehnologije i inovacija pod ref. br. 01 - 2299 od 01.06.2026, godine, raspisuje:

KONKURS

za upis studenata na doktorske studije za akademsku 2026/2027. godinu

1. Univerzitet „Haxhi Zeka“ u Peći će na doktorske studije za akademsku 2026/2027. godinu primiti do 9 studenata na programu Biznis i Ekonomija u okviru Fakulteta biznisa.
2. U okviru ukupnog broja određenog u stavu 1, na osnovu AU br. 09/2016 Ministarstva obrazovanja, nauke, tehnologije i inovacija, Univerzitet „Haxhi Zeka“ će upisati do 12%, odnosno 1 redovnog studenta iz manjinske zajednice.

Fakultet biznisa

Kod programa	Program	Ukupno	Za redovne studije	Manjinska zajednica 12%
BE	Biznis i Ekonomija, PhD	9	8	1

I. USLOVI KONKURSA

1. Pravo prijave za upis na doktorske studije imaju kandidati koji su završili odgovarajuće fakultete odnosno programe.
2. Na doktorske studije ne mogu se upisati kandidati sa profesionalnim master diplomama.

3. Pravo prijave za upis na doktorske studije imaju kandidati sa prosječnom ocjenom ne nižom od 8.00 na svakom nivou prethodnih studija – bachelor i master posebno – koji su diplomirali na jednom od sljedećih nivoa:

- 3.1. Diplomirani koji su završili studije prije stupanja na snagu Bolonjskog sistema, a koji moraju imati zvanje magistra odgovarajuće naučne oblasti;
- 3.2. Diplomirani koji su završili studije nakon stupanja na snagu Bolonjskog sistema – na nivou naučnog mastera;
- 3.3. Diplomirani koji imaju najmanje 300 ECTS kredita (European Credit Transfer System);
- 3.4. Izuzetno od tačaka 3.1, 3.2 i 3.3, u slučaju kada kandidati dolaze izvan Bolonjskog sistema, kao osnova će se uzeti nostrifikacija nadležnog ministarstva.

4. Kriteriji za ocjenjivanje kandidata za upis na doktorske studije uključuju:

- 4.1. Kandidati moraju imati završene prethodne studije iz iste ili srodne oblasti kao i doktorske studije. Srodne oblasti određuje Vijeće doktorskih studija odgovarajuće akademske jedinice i one važe za cijeli period akreditacije relevantnog programa, a objavljuju se u konkursu u okviru odjeljka sa posebnim uslovima za odgovarajuću akademsku jedinicu. Procjenu oblasti iz koje kandidat dolazi vrši Vijeće doktorskih studija odgovarajuće akademske jedinice prije nego što kandidat pristupi prijemnom ispitu.
- 4.2. Uspjeh tokom školovanja, prosječna ocjena 8.00 i više na oba nivoa, bachelor i master (magistar), posebno. Prosječna ocjena integrisanih studija vrednuje se maksimalno sa 30 bodova, koji se računaju množenjem aritmetičke prosječne ocjene sa studija bachelor i master sa 3.
- 4.3. Dokaz o poznavanju engleskog jezika. Kriteriji za ocjenjivanje poznavanja engleskog jezika su isti za sve akademske jedinice. Svaki kandidat mora dokazati poznavanje engleskog jezika, najmanje na nivou B2. Kandidati koji posjeduju sertifikate međunarodno priznatih testova TOEFL i IELTS, koje su upravljale akreditovane institucije prema Okviru zajedničkog evropskog referentnog sistema za jezike (CEFR), moraju dokazati postignute rezultate: za TOEFL, rezultat od 72 boda donosi 10 bodova, dok za IELTS, minimum 5.5 donosi 10 bodova. Numerički izraženo, bodovanje je sljedeće: za TOEFL, 72-79 bodova = 10 bodova, 80-87 bodova = 15 bodova, preko 88 bodova = 20 bodova. Za IELTS, 5.5 = 10 bodova, 6.0 = 15 bodova, preko 6.5 = 20 bodova. Poznavanje engleskog jezika vrednuje se maksimalno sa 20 bodova. Kandidati koji ne dostave TOEFL ili IELTS potvrde podliježu prijemnom ispitu iz engleskog jezika na nivou B2, koji organizuje univerzitet prema rasporedu objavljenom u konkursu za upis na doktorske studije.
- 4.4. Objavljene naučne/umjetničke aktivnosti vrednuju se do maksimalno 20 bodova:

- 4.4.1. Za svaki članak objavljen u posljednjih pet godina i indeksiran na platformama Web of Science (SCIE, SSCI i AHCI) i/ili SCOPUS (Q1, Q2, Q3, Q4): prvi/dopisni autor dobija 5 bodova, ostali autori po 2 boda.
- 4.4.2. Za svaki članak objavljen u posljednjih pet godina u drugim međunarodnim časopisima indeksiranim na platformama navedenim u važećim pravilnicima o procedurama izbora akademskog osoblja: prvi/dopisni autor dobija 3 boda, ostali autori po 1 bod.
- 4.4.3. Za svaki članak objavljen u posljednjih pet godina u domaćim akademskim časopisima koji podliježu profesionalnoj recenziji: prvi autor dobija 2 boda, ostali autori po 1 bod.
- 4.4.4. Za udžbenik objavljen u posljednjih pet godina iz uske oblasti: prvi autor dobija 5 bodova, koautor 3 boda. Monografija objavljena u oblasti za koju se kandidat prijavljuje vrednuje se sa 4 boda.
- 4.4.5. Za svaku prezentaciju rada u posljednjih pet godina na međunarodnim naučnim konferencijama, kongresima ili simpozijumima koji su indeksirani i objavljeni u zborniku radova: prvi autor dobija 2 boda, ostali autori po 1 bod.
- 4.4.6. Za svaku prezentaciju u posljednjih pet godina na domaćim naučnim konferencijama, kongresima ili simpozijumima: prvi autor dobija 1 bod, ostali autori po 0,5 bodova.

4.5. Prijemni ispit organizuju i upravljaju akademske jedinice, poštujući najviše akademske standarde. U slučajevima prisustva sukoba interesa, treba izbjegavati uključivanje nadležnog osoblja u svim fazama prijemnog ispita. Ako se pojave takve situacije, senat univerziteta može zahtijevati od fakulteta da poduzme dodatne mjere kako bi se spriječila diskreditacija prijemnog ispita. Komisiju za prijemni ispit imenuje Vijeće odgovarajuće akademske jedinice.

4.6. Kandidati imaju pravo pristupiti prijemnom ispitu i biti pozvani na intervju ukoliko nadležna komisija fakulteta prethodno utvrdi da ispunjavaju uslove konkursa i da su dostavili potrebnu kompletnu dokumentaciju.

4.7. Prijemni ispit obuhvata ispit iz profesionalnog/naučnog aspekta. Sa prijemnog ispita iz profesionalnog/naučnog dijela kandidati mogu ostvariti maksimalno 30 bodova.

4.8. Prijedlog doktorske teze iz odgovarajuće oblasti za koju se kandidat prijavljuje i intervju kandidata vrednuju se maksimalno sa 40 bodova.

4.9. Kandidati se rangiraju na listi prema osvojenim bodovima, a izbor primljenih kandidata vrši se na osnovu prikupljenih bodova, uzimajući u obzir broj studenata određen za upis od strane senata univerziteta.

II. POSEBNI USLOVI KONKURSA KOJE ODREĐUJE FAKULTET

FAKULTET BIZNISA

I. Srodne oblasti studija za doktorski program iz Biznisa i Ekonomije

U skladu sa odlukom Vijeća Fakulteta za Biznis od 06.07.2026. godine, na osnovu prijedloga Privremenog vijeća doktorskih studija, srodne oblasti studija koje se smatraju prihvatljivim za prijavu na doktorski program iz Biznisa i Ekonomije određene su prema šiframa oblasti studija unutar Erasmus zone i važe za cijeli period akreditacije ovog programa. Srodne oblasti su sljedeće:

- 01.2 Agricultural Economics
- 04.0 Business Studies, Management Science
- 04.2 Business Studies with Technology
- 04.3 Accountancy, Financial Management
- 04.4 Tourism, Catering, Hotel Management
- 04.5 Industrial Relations and Personnel Management
- 04.7 Marketing and Sales Management
- 04.9 Other Business Studies, Management Science
- 06.0 Engineering, Technology
- 11.0 Mathematics, Informatics
- 11.1 Mathematics
- 11.2 Statistics
- 11.3 Informatics, Computer Science
- 11.4 Artificial Intelligence
- 11.5 Actuarial Science
- 11.9 Others Mathematics, Informatics
- 14.0 Social Sciences
- 14.1 Political Science
- 14.2 Sociology
- 14.3 Economics
- 14.4 Psychology and Behavioural Sciences
- 14.5 Social Work
- 14.6 International Relations, European Studies, Area St.
- 14.7 Anthropology
- 14.8 Development Studies
- 14.9 Others Social Sciences

II. Ispit iz engleskog jezika (TOEFL/IELTS)

Kandidati koji nemaju važeći sertifikat iz engleskog jezika TOEFL ili IELTS (međunarodno priznat i izdat u periodu važenja određenom od strane nadležnih institucija) obavezni su pristupiti ispitu iz engleskog jezika koji se organizuje u skladu sa TOEFL ili IELTS standardima.

- Ispiti iz engleskog jezika organizuju se u prostorijama Američkog univerziteta na Kosovu – RIT Kosovo (A.U.K.) u Prištini, prema zvaničnim rasporedima koje objavljuje ova institucija.
- Pristupanje ispitu, poštivanje svih procedura prijavljivanja, kao i snošenje troškova ispita, odgovornost su samog kandidata.
- Kandidati su obavezni da rezultate ispita lično dostave Uredu za doktorske studije pri Fakultetu Biznisa, u roku utvrđenom konkursom.

III. Prijemni ispit iz profesionalnog/naučnog dijela

Prijemni ispit iz profesionalnog/naučnog dijela organizuje se s ciljem procjene osnovnog znanja kandidata u odgovarajućim oblastima dokorskog programa Biznis i Ekonomija. Ispit obuhvata:

- Metodologiju naučnog istraživanja, sa naglaskom na principe akademskog istraživanja, izradu istraživačkog dizajna i naučnu etiku;
- Nauke o biznisu i ekonomiji, koje uopšteno obuhvataju osnovna područja ove discipline, u skladu sa interdisciplinarnom prirodom programa.

Od kandidata se očekuje da pokažu napredno teorijsko znanje i analitičke vještine koje ukazuju na spremnost za angažman u samostalnim naučnim istraživanjima na doktorskom nivou.

IV. Projektni prijedlog (idejni koncept istraživanja)

Svaki kandidat mora dostaviti projektni prijedlog (idejni koncept) kao dio prijave za doktorski program. Projektni prijedlog treba da ispunjava ove formalne i sadržajne kriterije:

- Da bude maksimalne dužine 3 do 4 stranice formata A4, font Times New Roman, veličina 11, bez razmaka između redova;
- Da sadrži na strukturiran način:
 1. Uvod
 2. Opis istraživačkog problema, potkrijepljen relevantnom literaturom objavljenom u prestižnim naučnim časopisima (preferiraju se časopisi indeksirani u Scopus ili Web of Science);
 3. Istraživačka pitanja;
 4. Predviđenu metodologiju za realizaciju istraživanja;
 5. Plan rada/istraživanja;
 6. Odgovarajuće bibliografske reference.

Projektni prijedlog se ocjenjuje u okviru procesa intervjua i služi za procjenu istraživačkih sposobnosti, naučne jasnoće i tematske usklađenosti sa oblastima dokorskog programa.

V. Potpisivanje trostranog ugovora nakon prijema na doktorske studije

U skladu sa članom 7, stav 9 Pravilnika o doktorskim studijama na Univerzitetu 'Haxhi Zeka', nakon prijema na doktorski program, svaki primljeni kandidat je obavezan da potpiše trostrani ugovor sa:

- Univerzitetom "Haxhi Zeka",
- Studentom doktorskih studija, i
- Mentorom (i, ako ima, ko-mentori).

Ugovor se potpisuje nakon zvaničnog izbora mentora i odobrenja teme doktorske disertacije od strane nadležnih akademskih tijela. Ovaj ugovor ima za cilj da reguliše moguće sporne situacije tokom studija i sadrži, između ostalog, i specifične uslove za angažman doktoranta.

Posebno, ugovor će uključivati obavezu da doktorant:

- aktivno učestvuje u naučno-aplikativnim projektima, i
- da doprinosi akademskim i istraživačkim aktivnostima Univerziteta 'Haxhi Zeka' i Instituta za nauku i umjetnost, u skladu sa planom studija i razvojem akademske karijere.

III. POTREBNA DOKUMENTACIJA ZA PRIJAVU

Preduslov za ocjenu kandidata je dostavljanje originalne dokumentacije kao u nastavku:

1. Izvod ili rodni list;
2. Diploma i uvjerenje o ocjenama (original ili ovjerene kopije) sa Bachelor, Master ili naučnih magistarskih studija;
3. Kandidati koji su školovanje završili izvan Republike Kosova, moraju podnijeti priznanje diploma radi nastavka studija, prateći proceduru prema Statutu Univerziteta „Haxhi Zeka“ u Peći;
4. Biografija (CV);
5. Motivaciono pismo (u kojem se obrazlaže interes za naučna istraživanja u relevantnoj oblasti);
6. Idejni koncept istraživanja (Projektni prijedlog);
7. Preporuke od dva profesora iz relevantne oblasti;
8. Dokazi (originali ili ovjereni) o poznavanju engleskog jezika (ako posjeduju međunarodne sertifikate TOEFL sa najmanje 72 boda ili IELTS sa najmanje 5.65 bodova);
9. Dokazi o publikacijama/prezentacijama iz naučno-istraživačke djelatnosti (ako posjeduju).

Dostavljanje kompletirane dokumentacije vrši se u fizičkom obliku u Kancelariji za doktorske studije pri Fakultetu biznisa, kao i elektronski putem službene platforme: <https://sims.unhz.eu/>

IV. ROKOVI KONKURSA

- a) Konkurs je otvoren od 27.08.2026 do 27.10.2026.
- b) Ispit iz engleskog jezika TOEFL/IELTS održava se na Američkom univerzitetu na Kosovu – RIT Kosovo (A.U.K.) u Prištini, u skladu sa zvaničnim rasporedom ove institucije. Kandidati su dužni da samostalno izvrše prijavu i ispune sve potrebne procedure za učešće na ispitu.
- c) Prijemni profesionalno/istraživački ispit održat će se 05.11.2026. u 10:00 sati na Fakultetu biznisa. Informacije o sali za održavanje prijemnog ispita bit će objavljene na web stranici.
- d) Intervju sa kandidatima će se održati 10.11.2026. na Fakultetu biznisa. Svi kandidati će biti pravovremeno obaviješteni o vremenu i sali održavanja intervjua putem zvanične web stranice univerziteta.
- e) Preliminarni rezultati bit će objavljeni 12.11.2026. do 16:00 sati.
- f) Žalbe kandidata će se primati 13.11.2026. i 16.11.2026. do 16:00 sati. Žalbe kandidata razmatra Komisija za žalbe Fakulteta biznisa.
- g) Konačni rezultat: Nadležne akademske jedinice, nakon razmatranja izvještaja Komisije za žalbe, sastavljaju liste predloženih kandidata na nivou akademske jedinice i do 18.11.2026. ih dostavljaju na razmatranje Centralnom vijeću za doktorske studije. Senat Univerziteta, na osnovu prijedloga akademske jedinice i Centralnog vijeća za doktorske studije, donosi konačnu odluku o prijemu studenata na doktorske studije. Imena primljenih kandidata, sa svim podacima o kriterijima odabira, javno se objavljuju na službenoj web stranici Univerziteta.
- h) Datum upisa primljenih kandidata biće objavljen nakon konačne odluke Senata.